

欽
定
全
唐
文

欽定全唐文卷七百九十一目錄

新文藝出版社藏書

鄭遂

東都神主議

史重厚

重建司空溧陽侯廟記

韋煥

新修湖山廟記

劉濛

請石刻准勘節目奏

林珽

福州侯官縣丞湯府君墓誌銘

并序

王密

明州刺史河東裴公紀德碣銘

并序

李宏簡

請磨勘宗子百官屬籍奏

王諷

漳州三平大師碑銘

并序

崔涓

賜許國公韓建鐵券文

王洮

慧聚寺天王堂記

鄭顥

進科名記表

趙璘

請元正權御宣政殿疏

書戒珠寺

劉伸

唐故清河郡張府君夫人安定郡胡氏合祔墓誌

銘并序

韋宙

東林寺題名

溫璠

淨觀聖母記

孔溫裕

請修孔廟狀

鄭朗

請停直館增修撰奏

牟璫

修方山證明功德記

王鉉

佛頂尊勝陀羅尼經幢記

對借確打破佩刀刺人判

濮陽宁

閩遷新社記

薛詢

侯真人降生臺後記

周遇

劉氏太原縣君霍夫人墓誌銘

并序

盧恕

楚州新修吳太宰伍相神廟記

褚符

唐故下邳郡林氏夫人墓誌

并序

欽定全唐文卷七百九十一

鄭遂

遂會昌六年官太學博士直宏文館

東都神主議

夫論國之大事必本乎正而根乎經以臻於中道聖朝以
廣孝爲先以得禮爲貴而臣下敢不以經對三論六故已
詳於前議矣再捧天問而陳乎諸家之說求於典訓考於
大中廟有必修之理主無可置之理何則正經正史兩都
之廟可徵禮稱天子不卜處太廟擇日卜建國之地則宗

廟可知則廢廟之說恐非所宜廢謹按書詩禮三經及漢朝兩史兩都並設廟而載主之制久已行之敢不明徵而去文飾援據經文不易前見東都太廟合務修崇而舊主當瘞請於太微宮所藏之所皇帝有事於洛則奉齋車載主以行

史重厚

重厚會昌六年官秘書少監

重建司空溧陽侯廟記

宗廟之作其來尚矣宗言尊也廟言貌也尊祖考容貌之

處尤不可不嚴其制司空禦災捍患東漢光武錫青社於
茲土襲封累代作世嗣之始焉世列祀典牲奠罔缺朝列
九禪澤垂千載古木岑樓堞絲蘿邃幃帳而尤不動而敬
不怒而威郡邑仰其靈封境承其祐無誠不感有禱必通
而殿堂古遠土木力盡鴛瓦分散虹梁敝傾漏雪過風彌
年積月雖鶴駕如在而輦翟罔形於是二十三代孫朝議
郎前杭州臨安縣令上柱國疑有則官居五命之尊長冠
諸枝之首化一宗之德輯千門之睦言發響逐人胥樂成
以謂難仍舊貫爰立新規詢謀僉同得心應手子孫願施

力輸緡疾風之靡草矣不浹時而轆轤道冢軒楹蔽日飛
薨遏雲宏麗固護周環密緻神靈得以永安也其承稟有
若此者伏聞非常人立非常事誠言乎哉宜採能文刻書
金石永俾來裔審茲重典秘書少監從孫重厚撰唐會昌
六年歲在丙寅八月庚午朔二十一日庚寅宗長二十三
代孫朝議郎臨安縣令上柱國有則并諸院弟姪及諸枝
長孔日職司等同勾當修建一十五處宗人之名列於後

韋煥

煥京兆人大中三年攝館驛巡官以文林郎守涇縣尉雲

騎尉

新修湖山廟記

山川視公侯之外凡有益於人者國命徧祭雖十室之邑有主於民民得以奉其威而賴其祐焉者按金籙經云小山小水必有神當隸近嶽今宛陵涇縣十八鄉戶四萬民奉湖山神蓋所以奉其威而賴其祐爾邑圖牒載山高三百丈上有湖水山名因也涇民札瘥禱之必瘳涇田水旱禱之必豐曲誠嘉志神無不答民遂立廟其下以祀斯亦涇之民得歸其心而保其身也京兆人韋煥曰天地之氣

結而著形形於氣而有神今山川之神亦天隸下土付其地而宰之或靈或否在人愚智斯見矣今莫徵其初舊祀且陋逮文宗皇帝更歲號之初宰邑者裴公鐸祈神有徵遂徹其故以廣之高堂敞宇土質彩衣歲聿其久復將顛崩邑人恂恂相與謀新重基列阼帳幕其塵丹故模駁輝光照人儀衛必備奇貌醜身輿馬必全翠飾金陳烏乎山神能靈於民民必來臻苟違舊德民將何親肥牲脂醴民之饌糧哀簫鳴輦奪民耕功神之永福涇民山壤而后已乎煥尉涇畢期未代府公以簡召將行邑有王涓者纂聚

其由來啓前庭遂爲泐書修廟之歲月於右且異示於後
生庶涇之人日有來者歎曰某年有韋尉子雖無他及我
憐其爲我紀茲事以思之大中三年十一月二十一日也

劉濛

濛字潤之宣宗朝官大理卿

請石刻准勘節目奏

古者懸法示人欲使人從善遠罪至於不犯以致刑措准
太和二年十月二十六日刑部侍郎高鉞條疏准勘節目
一十一件下諸州府粉壁書於錄事參軍食堂每申奏罪

人須依前件節目歲月滋久文字湮淪州縣推案多違漏
節目今後請下諸道令刻石置於會食之所使官吏起坐
觀省記憶條目庶令案牘周詳

林珽

珽大中時鄉貢進士

福州侯官縣丞湯府君墓誌銘

并序

湯有大德於天下戴之如日仰之如春其後也君諱華字
知新曾祖備祖賓考昂皆簪組相繼官烈當時頗有功於
國以載於譜牒此略而不書公幼耽墳籍將欲振於時立

大來之器以晨昏是切仕不擇祿釋褐衡州參軍珪璋美
璞州縣良材記室之芳秩罷猶在再調授福州侯官丞兼
總感德場人不告勞征賦皆集伉馴雉之化致象雷之聲
謀而有方簡以莅事授亮而庶務皆決正色而羣吏瞻風
公之器用未盡宏遠秩滿寓居南方以土風有殊瘴厲所
染沈痼既構天壽不遐以大中十一年六月五日終於嶺
中連江邑之客第春秋五十八道路民慟風雲助悲先權
殞於竹林原夫人瑯琊郡王氏故衡陽縣明宰之女以禮
節奉君子以慈和訓閨門感形影之未亾歎梧桐之半死

望故鄉以泣血泛滄溟以護喪蓬首逝波沒身徇義艱險
不憚旌旆之情今古罕及男二人長曰宗鉉次曰宗鎬女
五人咸匍匐愴地哀號訴天以日月有時窀穸斯議以大
中十二年十一月二十八日歸葬於明州鄞縣龍山鄉江
上里庚向之原禮也銘曰

修與短兮胡可知聖與賢兮莫能窺器未展兮誠足悲存
者有恨兮淚如絲哭丹旌兮一家隨風九原兮滿松枝

王密

密京兆杜陵人德宗朝登進士第歷官明州湖州刺史遷

越州都督充浙東西團練副使

明州刺史河東裴公紀德碣銘

并序

皇唐御神器一百四十二載天下大康而海隅小寇敢肆
蠱毒結亂於甌越而句章

闕三字

之口戰卒數萬皆由此之

故是郡罹災逾苦井邑焚蕪遺骸積而不掩生民僅有存

者

闕二字

未完其危猶未安天子哀之詔擇可以子物拯艱

者以鎮卹之乃命長安令河東裴倣殿於茲邦詔書旣下
而罷民歡煦若幼子之望慈父焉彤襜員來則收合創痍
之境熙熙如衣之食之一年而驚遁復田疇闢茨塾興然

後以禮義利物之教教之人之誥窳者教之以溫恭惇質
人之卉服祝髮者教以儀飾之度人之匱財乏食者教以
耕耨之事羣吏懷其仁而畏其嚴罔敢射其利焉故爲政
三年其賞人也不用財其勵人也不用闕二於戲長人之體
不一若乃華夏之人習性純純其理之也可朞月而致若
海裔之人土風闕二暴殘嗜殺寬之則法令非行威之則
圜視而兇心勃生其欲馴之也難矣哉及公之化夷俗爲
鄒魯使父子長幼各得其宜則知中庸清靜之德感人深
矣夫理一邑而能人和闕二者則可以移於一郡而能導

之以德教者則可以施於天下公之所理之行豈止郡邑而已實宜佐彼大化輔皇王以昌經邦國以康調元氣於陰陽者也公尋而進秩州民共思願紀詞於碑予忝躡高蹤竊跡前事敢不頌厥美貽諸億祀銘曰

美裴公兮肅肅清風純和積中令德顯融爰踐華省爰宰赤城克成厥功帝曰咨爾休懿可建旗於東美裴公兮於郡斯牧是祇是肅化流比屋變此夷風迄成魯俗人之父母匪公而誰慰我惇獨羨裴公兮胡棄我而適他邦惟我下民思心徘徊殷焉不忘願頌休績播億萬載刊於珪璋

李宏簡

宏簡大中六年官宗正卿

請磨勘宗子百官屬籍奏

當司修圖譜官李宏簡伏以德明皇帝之後興聖皇帝以來宗祊有序昭穆無差近日修撰率多紊亂遂使冠履僭儀元黃失位數從之內昭序便乖今請宗子自常參官并諸州府及縣官等各具始封建諸王及五代祖及見在子孫錄一家狀送圖譜院仍每房納於官取高處昭穆取尊卽轉送至本寺所司磨勘屬籍稍獲精詳

王諷

諷大中朝官司勳員外郎遷郎中自吏部侍郎謫守漳浦
乾符中入爲工部尚書檢校戶部尚書東都留守劍南東
川道節度使

漳州三平大師碑銘

并序

得菩提一乘嗣達摩正統誌其修證俾人知方則有大師
法名義中俗姓楊氏爲高陵人因父仕閩生於福唐縣年
十四宋州律師元用剃髮二十七具戒先修三摩鉢提後
修奢摩他禪那大師幼悟法印不汨幻機日損薰結元超

冥觀先依百巖懷暉大師歷奉西堂百丈石碧後依大顛
大師寶歷初到漳州州有三平山因芟薙住持敞爲招提
學人不遠荒服請法者常有三百餘人示以俗諦勉其如
幻解脫示以真空顯非秘密度門虛往實歸皆悅義味知
性無量於無量中以習氣所拘推爲性分知智無異於無
異中以隨生所繫推爲業智以此演教證可知也大師一
日病背疽閉戶七日不通問洎出疽已潰矣無何門人以
母喪聞又閉戶七日不食飲武宗皇帝簡併佛刹冠帶僧
徒大師至於三平深巖至宣宗皇帝稍復佛法有巡禮僧

常肇惟建等二十人刺史故太子鄭少師薰俾蒞其事旬
歲內寺宇一新因舊額標曰開元於戲知物不終完成之
以裨教知像不盡法約之以表微晦其用而不知其方本
乎跡而不知其常咸通十三年十一月六日宴坐示滅享
年九十一僧臘六十五諷自吏部侍郎以旁累謫守漳浦
至止二日訪之但和容瞪目久而無言徵其意備得行止
事實相見無間然也問曰周易經歷三聖皆合天旨神道
注之者以至虛而善應則以道爲稱以不思而元覽則以
神爲名達理者也經云隱而顯不言而喻不疾而速不行

而至後之通儒有何疑也異日又訪之適有刑獄因語及師曰孝之至也無所不善有其跡乃匹夫之令節法之至也莫得而私一其政則國之彝典其於適道適權又如此言訖頷之不復更言今亡矣夫強擬諸形容因爲銘曰

觀跡知證語默明焉觀證知教權實形焉體用如一曷以言宣太素浩然吾師亦然觀其定容見其正性不閱外塵朗然內淨智圓則神理通則聖師能得之隨順無競吾之行止師何以知得性之分識時之機達心大師邈不可追

崔涓

涓宰相珙子大中四年登第歷杭州刺史終御史大夫

賜許國公韓建鐵券文

維光化元年歲次戊午九月戊辰朔八日乙亥皇帝若曰
咨爾宣力興復功臣鎮國匡國等軍節度管內觀察處置
修葺宮闕同州長春宮等使開府儀同三司守太傅兼中
書令興德尹使持節同州諸軍事兼同州刺史上柱國許
國公食邑四千戶食實封一百戶韓建朕以前代功臣實
重信賞至有刻於鼎鼐紀在旂常垂帶礪之言保金石之
誓勳賢所付宜茂明恩况卿秉謙蹈和持重守正屬朕前

歲巡狩而乃躬親奉迎季孫之道在事君周勃之心唯安
國畢力扈駕爲我出車克奉行朝更無遺事可謂忠於社
稷光映簡書旋以歸復京都葺修宮闕載宏舊制皆叶規
程睠是殊庸實用嘉矚雖迭增崇數而未足酬功宜申誓
券之文以示旌勳之典矧夫黃河不竭青山非窮比此賞
延錫於苗裔使卿永荷祿位長受寵榮對銘鏤以同堅煥
聲微而轉美卿恕九死了孫恕二死或犯常刑所司不可
加責禮命甚重往惟欽承宜付史館頒示天下

王洮

洮大中時鄉貢進士

慧聚寺天王堂記

有釋氏子宅於馬鞍山下者一日忽扣太原王生洮促足
角坐涵意欲洩不能者數四頃乃作曰欲以天王堂事勞
筆端謹按釋氏書云天王生于闍國作童兒時猶能血鏃
射妖遂去走天竺遇金仙子授記護閭浮提補多聞王騰
雲跨漢鞞鬼撚魔霞幟雪戟指勾擢絆竟鎮妙高北面水
精宮中爲藥義官長吁奇怪事孔子弟子慙於語然儒以
正直爲神今天王能射妖摧魔用壯護世是亦正直也復

慙之哉按馬鞍山湧出平原中絕頂晴望他山百餘里緣
接培塿咸溝穿塍織坦然鋪出復多奇石支疊危柱釋氏
築室鑿倚山半今天竺堂實翼西北隅塑狀若聳屹然拄
空金精獐環力溢膺腕毘卒象伍作爲部落堂宇宏麗四
檐飛翬庥靈庇像若鄭膺被甲擔戈立於煙靄洮因勞其
費進曰非某力能皆邑民爲之塑實成於張宏度堂實成
於俞師甫吁大凡力於耕者一人切於穫者三人豈偶然
於天王哉釋氏子姓闕號清建姓趙號良顓時唐大中三
年鄉貢進士王洮立

鄭顥

顥宰相綢孫舉進士累遷起居郎尚宣宗女萬壽公主拜
駙馬都尉歷禮刑吏三部侍郎大中十三年檢校禮部尚
書河南尹卒

進科名記表

自武德已後便有進士諸科出鶯谷而飛鳴聲華雖茂經
鳳池而閱視史策不書所傳前代姓名皆是私家記錄虔
承聖旨敢不討論臣尋委當行祠部員外郎趙璘採訪諸
家科目記撰成十三卷自武德元年至大中朝謹專上進

方俟無疆

趙璘

璘字澤章南湯人徙平原開成三年進士大中時官祠部員外郎歷度支金部郎中遷左補闕出爲衢州刺史

請元正權御宣政殿疏

伏以新正大慶萬國來朝華夷願覩盛儀士庶固當胥悅但竊聞關輔之內頻歲不登自冬以來降雪極少尚須祈禱方軫聖慈伏見去歲之初權御宣政從宜之制出自宸衷事簡禮全人心爲便伏乞且推此例停御含元待至豐

年卻依舊典所冀觴稱萬壽不愆元會之期禮酌一時益表聖明之美臣官忝諫列合陳管見

書戒珠寺

浙東觀察治勾踐故城其東北二里有山曰叢叢蔬類也傳云昔越君所嗜常採於此遂用名之在晉爲王逸少別址尚留故池與祠堂又云陳太建初有天竺徒聽門踰顛辨博神異及死葬山上其形數見後夢語其門人曰必爲臥像屋之壓我則不見爲之果如言而所構華壯敞絜甲於郛內所謂昌安寺者其後二百七十餘年學人懷表猶

病正位未廣繕治益嚴又十年值會昌廢毀之數獻文皇帝君天下大中初復許郡府量立寺宇而越州得其五昌安在詔中六年六月又別以戒珠爲名觀察使尚書李公褒實司其事當是時其徒多罷去或不任事而懷表復顯其勞今則崇構真就矣學者或去或沒獨懷表齒且耄精恪如初可歡乎余長慶中始冠將爲進士生寓此肄業時懷表已名字衆人中及開成繕治始休工余以前讎校祕書遊越與懷表復相遇靳余爲記逮今二十二換四時矣中間遭罹邱墟又重樹立於人事悲歡不可遽數循分累

寸奇蹇塵寰晚守江嶺強號顯達而表公不離繩榻幾覩
廢興雪頂絲眉始終一趣可謂行充於內而福持於外者
矣余旣詳其本末思有以傳於綿長客有前藤州刺史駱
異與聞之喜曰某蕺山之下寄居人也且與表公遊甚久
歸願買石以刻遂筆以授之咸通三年正月二十五日中
大夫守衢州刺史趙璘書

劉伸

伸大中時人

唐故清河郡張府君夫人安定郡胡氏合祔墓誌

銘
并序

府君諱君平字君平其先燕國公纂集羣書家有鳩金復
撰才命論教流天下分派周室卽是公之苗裔宗枝矣公
本深州饒陽縣之人也別業樂亭積有餘載曾頌皇朝任
絳州長史祖微高尚不仕考承泰頃以城戍艱虞此城被
幽州攻圍公負倜儻之材輸誠展効去元和四年授成德
軍節度使牒補充十將兼充樂壽鎮遏都知兵馬使苑公
押衙公君平將子之家赳赳軍前干城之志信義立身孤
標作操東西欽企南北共談辯說仲由廼文廼武孝悌成

家垂訓禮樂克著始終可以龜鏡焉公寢疾享年三十有六以太和八年八月廿日終於市坊私第也嗚呼良木斯傾哲人其殞銜哀有餘可謂珠沈洛浦寶劍一缺促我遐壽孀居洞房遲遲飲恨葛藟無託夫人久嬰瘥瘵醫瘳無痊夫人以大中六年正月十五日歿於私舍夫人春秋卅有九女師娘子年齒初笄髻鬋愀立春花欲發秋葉已凋割慈母之恩憐痛膝下之寤寐皇天不祐夭折妙年小娘子年一十有九以大中三年四月四日殂矣新婦天水趙氏纔入貴門積善無瑕苗而不秀遂埋紅粉傷瘞九泉新

婦年廿有二以大中四年六月十一日喪矣皆附塋安厝
可惜可惜孰謂痛哉實謂悲哉嗣子弇號叫攀慕糜潰骨
體可以曾參同年而語哉遂乃庀冢修葬合祔元扃禮周
終竟南沈漳水北望燕幽巍屹墳封雙靈再合卜取大中
七年十月四日寔於縣城之東南三里故塋域殯焉禮也
所慮年代深遠陵谷變移勒石記之千載無朽其詞曰
燕公之孫苗裔深根常爲儕闕變作弔賓空留七德兮千
載書劒舊跡兮生塵夫人令德合厝同牢哀哉白駒兮西
慙柰何松柏兮蒼蒼

韋宙

宙江南西道觀察使咸陽郡公丹子以廕調河南府司錄
參軍宣宗讀元和實錄美丹政事拜宙侍御史出爲太原
節度副使召拜吏部郎中出爲永州刺史還爲大理少卿
拜江西觀察使遷嶺南節度使加檢校尚書左僕射同中
書門下平章事咸通中卒

東林寺題名

大理少卿兼御史中丞賜紫金魚袋韋宙大中十二年准
詔嶺南宣問六月二十九日再過此藏經舊日初置隨寺

金定台月二
九二二二
三
毀廢賴道深和尚藏諸石室言上人明上人以補其闕獲
覩舊績觸緒摧殞施三百千再建堂宇時湖南江西皆擾
亂一辭京闕三踐危邦到此數刻與言明話道又乘輶北
去男澤侍行

余今年七月銜命按撫嶺南中旬之初自番禺赴闕聞洪
兵大擾乃直趨鍾陵既至留一夕察其陰謀備知情狀明
日渡章江二十九日憩此與言明二上人談元兼訪經藏
遺址晚晴西去六十四日余廉問江西乃帥襄鄂許蔡四
軍赴鎮十一月二十七日兵次北田余雖環甲戎事方殷

經過松門遲遲不能去之以示暇送駐前鋒於峴再與言
公遊時明上人已物故悲愴久復跨馬前去因書行止題
於水堂壁大中十二年十一月二十七日江南西道都團
練觀察處置等使兼御史中丞韋宙題

溫璠

璠大中九年由郎中出爲袁州刺史

淨觀聖母記

大中壬申歲夏五月乙未詔高平守璠曰汝在澤以能聞
今輟於袁宜用前心以爲理璠再拜奉詔南之秋七月哉

生魄入浪於盟津鼓雙翼飛波抵鍾陵及仲月旣維舟於
觀步觀以淨爲名昔東晉許真人棲息之舊地葦簾汗觸
必有變怪按僊籍云神僊中有孝道明王授道要於聖母
母傳法於吳猛許遜遜字敬之以孝廉上第補旌陽令則
聖母爲旌陽之師矣璠旣昇堂謁真人禮成而退傍有香
水設位而無像質北墉有掛纈畫爲少女者曰真人之聖
母也璠謂聖母之嚴顏華髮不宜爲幼婦必矣詢於耆舊
求聖母之遺像一無可取者後數月春光滿湖繁花壓枝
會郡之文士於望湖亭俄假寐於嘉蓮閣恍若有睹疑非

在夢見老母涉菱波步浮芹至於閣前云神母之儀祇爾
不必他求璫遽起命畫工施古脫其所見增減信宿方定
儀相如涉菱之母矣廼於郡齋軒置座以塑畫像踰月而
功就端嚴儀表威容凜然豈靈僊憑託而致是乎爰命道
門都監易智周與威儀易景誦道士施契虛等以香花時
果迎聖母歸淨觀時八年三月十五日記

孔溫裕

溫裕禮部尚書殘子登進士第宣宗朝歷官京兆尹天平
軍節度使

請修孔廟狀

右軍曹濮等州觀察使孔溫裕奏伏以禮樂儒學教化根本百王取則千古傳風國朝宏闡文明尊尚祀典不違古制大振皇猷今曲阜縣乃魯國故都文宣廟卽素王舊宅興儒之地孕聖之邦所宜廟宇精嚴禮物具舉近者以兗州頻年災歉都廢修營徒瞻數仞之牆纔識兩楹之位雖春秋無缺於釋奠而揖讓頗紊於彝章遂使金石之音靡聞於肸蠁俎豆之設常列於荒蕪聖域儒門豈宜堙墜臣忝爲遠裔叨領重藩咫尺家鄉拘限戎鎮望闕里而無由

展敬瞻廟貌而有願興功臣今差人齎持料錢就兗州據廟宇傾毀處悉令修葺皆自支費不擾州縣所需獲遂幽懇克申私誠伏緣兗州非臣本界須有申奏伏乞天恩允臣所請無任惓迫屏營之至謹具如前

鄭朗

朗字有融宰相珣瑜子始辟柳公綽山南幕府入爲右拾遺開成中累拜御史中丞戶部侍郎爲鄂岳浙西觀察使進義武宣武二節度使歷工部尚書同中書門下平章事罷爲太子少師卒贈司空

請停直館增修撰奏

當館修撰直館共四員准故事以通籍者爲直館伏以修史重事合選廷臣秩序或卑筆削不稱其直館伏請停廢更添修撰二員

牟璫

璫大中時鄉貢進士

修方山證明功德記

此山前面有石龕龕有石像從彌勒佛并侍衛菩薩至神獸等計九軀案寺記云唐初有一童兒名善子十歲已下

自相魏間來於此山捨身決求無上真正之理闕一啟首

闕一四體遂墮未及半虛五雲封之西去其音樂闕二天

風錯闕一畢寺緇白無不瞻聽乃鑿此山成龕立像旌之

闕一證明功德暨乎會昌五年毀去佛闕一天下大同凡

有額寺五千餘所蘭若三萬餘所麗名僧尼二十六萬七

百餘人所奉驅除略無遺子惟此龕佛像儼闕一微有薰

殘大中五年奉旨許於舊蹤再啟精舍寺主僧從闕一聞

於州縣起立此寺有杭州鹽官縣人僧子儒俗姓董氏不

遠江湖訪尋名跡至六年五月七日得度既果前闕三懇

誠金采裴饒方山證明功德兼

字闕三

神及師子各二隻

闕一

字

金彩色

字闕一

功價

字闕三

五十貫文施主二百餘人

字闕二

一鐫姓名

字闕二

左其山龕寺寺之艮直上可四里下思人

字

井以

字闕一

處星端旁眎

字闕一

滄溟有同蓬島

字闕一

龕

石

字闕一

有泉不

字闕一

來源從細竇泄

字闕一

石盆

字闕六

而已

玉液金漿莫得

字闕一

其甘

字闕三

香山

字闕二

質乎香

字闕一

子

如公明山巒之

字闕三

固敬石之像長牢冀賢刼盡而同盡

自

字闕二

外胡可傾移哉大唐大中八年四月八日鐫記

王鉉

鉉大中時處士

佛頂尊勝陀羅尼經幢記

竊惟金人西

闕一字

雷音絕唱於

闕一字

筮至教

闕三字

業空傳

於漢地雖法門繁

闕一字

俱

闕二字

梁

闕五字

其

闕一字

陀羅尼焉

于公稱惟則本河南人也家贍溫恭人稱英亮忠信先聞

於

闕一字

室深崇

闕一字

志於三乘有悲

闕一字

之心具利

闕一字

之行

闕一字

王

闕一字

之暇

闕二字

興懷將構禎模冀崇妙

闕一字

有

緣

闕一字

德同心爲

闕二字

之利而居

闕十

乎存沒逝者不

闕一字

字

于厥願存之豈爽以前心既屬道泰時通亦乃樹茲本

意爰

字闕二

刻密言徵良匠以呈奇採元石而鑽鏤厥功既

就乃卜

字闕一

縣城艮隅之立

字闕一

足使霑塵

字闕一

影

字闕一

屣

字闕一

舟瞰矚承風永辭

字闕二

鉉實不敏輟

字闕四

申

字闕三

述

字闕一

猷雖不足以成文

字闕一

深心於能事矣

對借確打破佩刀刺人判

邨人借確人家確未出門打破未離本處又有

人持佩刀傷人縣以爲用刃州以爲非仰正判

九野太清兆人承慶鑿井而飲方閑射鮒之泉持刃以雄

仍均佩犢之日澄瀾可汲思抱甕而無階銛刃將揮提荆

鐘而可擬故乃旁求假器甫當於銅瓶何輕用傷人有類
於鉛筑衡門未出遽覩虧全疎網難容俄聞寘罰訟端斯
起異共弊而無憾刑柄終疑遂殊條而靡決慎非投鼠破
則宜陪法在鷄鳩傷固難追比盜之訴不亦厚顏用刃之
科誠非次骨文慚陸海晷落三晡空有薦於芻詞諒輕塵
於藻鏡

濮陽宁

宁鄉貢進士攝館驛巡官

閩遷新社記

大中十年夏六月公命遷社於州坤築四壇壇社稷其廣
倍丈有五尺其高倍尺有五寸主以石壇風師其廣丈有
五尺其高尺有五寸壇雨師廣丈而高尺自初獻迄終獻
專一室有廈橫附二室皆南鄉備犧帛西鄉之楹凡二室
龜馘脊道凡十有三條其縈折則三百九十有七尺繚垣
凡百堵其高逾尋苞巨榕凡二十本南北行延崇豐展階
揭雙扉於東鄉具扃鑰焉其外北東闢二室有廈其南立
雙表及建功以十七日戊子起冬十一月庚子畢謹按閩
故壇坵南邪西隙蛭蟻污輶負蒲葦之豪家禽野牧觸踐

官秩而益著勤瘁之名奉春儲而出納之功無恡幸以慶
鍾德門是生愛女夫人卽公之長女也夫人幼聞詩禮早
肅端姿齋潔持心溫柔飾性霜松比操寒竹孤貞閨門悅
懌之儀晨昏問安之禮皆主之矣榛栗告修將移他族遂
適彭城公百兩之後一與之齊嚴奉舅姑敬恭戚族服澣
濯之衣儉而達禮遵婉婉之教婦道日新飾其德而不飾
其容嚴其家而不嚴其身名同夫貴德與家崇寵錫降封
太原華邑昔公謂曰我以代傳鍾鼎門蔭蟬聯先開府秉
左廣之權吾令弟統右謹之帥朱紫赫奕棣萼鱗數者四

人而悉忠於國孝於家學大戴禮諷毛氏詩堅白自持秋
毫無隱功備史冊銘在景彝戒滿盈而慕冲謙棄軒冕而
好疎逸功與名皆全矣而思內則雍穆吾心至矣夫人結
褵作配三十三年履正居中其道益彰洎浙右歸闕累移
星歲頤攝乖宜寢成沈痼夫人侍執湯藥饁奉飲膳所舉
者無不親嘗不顧寒暄不離座隅日月迭居近於二載夫
人自此憂患亦已成疾先常侍奄從薨逝祭祀蒸嘗不失
如在之敬至於卜遠之日疾將就枕諸孤曰違裕若是豈
在力任夫人曰吾逝生死同塵何愛身命一閉泉壤永爲

終天但無虧於節義豈望苟自偷安踴哭而往畢遂其志
爾來日邁綿綌針醫不減遽至彌留以大中九年十一月
十八日終於來庭里之私第享年五十七嗚呼人之所貴
者福與壽積善旣昧於徵應隙光難駐其檐楹青春路遙
白日將謝妝樓儼設玉匣漸見其塵封輕影忽飛夜臺已
知其息處有子三人嗣曰復禮威遠軍監軍使行內侍省
內僕局丞賜緋魚袋仲曰全禮內侍省內府局丞充內養
季曰伸禮皆才聞五美學膽三冬孝敬承家忠貞蘊志總
戎而理遵約法專對而辯注懸河自鍾艱疚茹毒銜哀泣

血絕漿罔顧晨夕因心之孝冀報其劬勞思養之情徒悲於風樹以明年正月二十九日祔葬於萬年縣龍首鄉先常侍塋西禮也遇奉命述敘敬爲銘曰

夫人懿德蘊其明識端姿潔朗惠質柔直工修內範容無外飾玉鏡孤光珉瑤潤色問名成禮作合君子四德道隆九族稱美門崇鼎列功高嶽峙澤及華封輝光青史雲路碧落霜折瓊枝其往如慕其返如疑龍首之堽滄川之湄魂遊九原與公同歸

盧恕

恕大中時官蘇州府掾

楚州新修吳太宰伍相神廟記

捨人事而介福專人事而薄神皆君子不爲也苟不以仁惠愛民而止以墮怠理道持甘酌芳饍以交神神在聰明正直豈許之乎若憂勤焦思訪接無怠於賢人且不遺况賢神乎所以大德君子以厚人故不薄神楚州淮壩洩太宰伍相廟置在吳時臨邛溝當伐越時爲餽運所開太宰經畫及因讒而沒其神憑大波雄憤無所泄蓄爲猛飈駭衆吳人恐之故相與立祠邛溝上歷代皆崇其祠椎牛醢

欽定全唐文

卷七百九十一

盧杞

三

酒小民有至破產者比齊清河王勵刺此州申教部民不
宜荒瀆非神之意其風稍革國朝龍朔中爲狂人郭行真
所焚乾封初準勅重建大中十歲四月十八日上以山陽
荐災當宁憂軫曰非朝之顯德清望有材者不可分吾憂
子衆姓於是詔兵部郎中滎陽公守郡立政行道得民之
心每雨小差期晴少失候公一至請之靈貺立答連歲豐
穰豈非神之陰贊耶舊廟敢隘淺迫前橫岸道塵坌玷褻
公默圖將顯大之且俟誠化更廣卽增張神宇俄有州人
蔣容者啟公請合財葺之殆天啟乎何冥契如是耶於是

開其前伸其後重肖神像及儀從等畢新廟之成也面河
距淮巖然崇堂蜿然修廊像設新而英姿益明旗旛新而
靈衛愈嚴庭可以長布武階可以勞拾級管簫朝奏一何
和神也風月夕清一何宜神也祭法曰夫日月星辰民所
瞻仰也山陵林谷川澤民所財用也今太宰之高不啻星
辰太宰之利不啻山谷彼青骨而邀食於民者豈得同日
而語洎詔徵公爲左諫議大夫釋符之日恕蒙公付以留
務行及祠前顧謂恕曰有事或誠存太宰其應也如響今
去能無感焉君爲我編其修建之由恕謹奉教一無僞飾

公之始至也承菑沴之後廬井殘矣廩藏空矣道旣殭殍
牢亦充塞及公之布德也四時洽暢千里醉歌帑廩皆溢
庭無訟人鄉縣郭邑致十倍之繁富廓宇亭肆興萬堵之
宏麗休祥表見仁聲流揚傳車云歸者少遮道竟夕不得
前雖古之良二千石實有慙色素負謙損不先之道至於
理功皆不欲人言恕親吏也其可隱而不書巨唐大中十
二年七月十一日記

褚符

符大中時河南人

唐故下邳郡林氏夫人墓誌

并序

夫人林氏其先下邳郡人也曾祖

闕一字

皇任廣州參軍祖

景

闕二字

任潮州長史父

闕十七字

鄉里咸謂

闕一字

高

闕六字

夫人

則府君之仲女也未笄而柔和冰潔既鬢惟

闕二字

蘭馥由

親族

闕二字

黨

闕二字

以

闕二字

也

闕三字

而

闕一字

族富春孫

氏子以

闕四字

作

闕二字

婦

闕一字

媒

闕八字

夫人

闕一字

得以

闕三字

得

闕一字

配

闕而

慈

闕一字

仁

闕一字

繩

闕也

冀

闕三人

長

曰

闕二

娘

闕以

闕

字

闕一

墳峨峨

闕一字

山之旁懿德美行不隨

闕二字

高山有

闕一

欽定全唐文

卷七百九十一

補

三

字

雕琢無妨

闕

五

之

字

闕

陵谷改張此石若出斯文

闕

一

昌

欽定全唐文卷七百九十二目錄

路巖

義昌軍節度使渾公神道碑

李景儉

諫宣宗爲鄭光輟朝疏

王函

大佛頂尊勝幢銘

韋岫

土賦

金賦

賀劉相鄴勅賜及第啟

秦貫

滎陽鄭府君夫人博陵崔氏合祔墓誌銘

并序

盧攜

乞蠲租賑給疏

臨池訣

盧潘

廬江四辯

萬敬儒孝行狀碑

王孟諸

唐故軍器使內寺伯賜紫金魚袋贈內常侍袁公

夫人太原郡夫人王氏墓誌銘

并序

沈珙

大唐蘇州華亭縣顧亭林市新剏法雲禪寺記

欽定全唐文卷七百九十二

路巖

巖字魯瞻陽平冠氏人大中中登第累遷中書舍人戶部
侍郎咸通三年以本官同平章事進左僕射罷爲劍南西
川節度使兼中書令封魏國公貶新州刺史至江陵免官
流儋州賜死

義昌軍節度使渾公神道碑

叙曰天業光昭寶臣間出雲臺重沓旂常紛綸吾巨唐乎
鎮寧社稷續揚忠烈勲居第一代代不絕其渾氏乎能遵

祖法不失家聲立朝守土所居可紀其康公平公諱侃字復貴其先姜姓之後漢郡渾邪王之裔始居於崤北後遷於河南今爲代人爲山西右族七代祖潭仕隋玉鈐衛大將軍生迴貴以兵從我高祖神堯皇帝佐平暴亂拜豹韜衛大將軍生元慶爲右玉鈐將軍靈邱伯生大壽爲太子僕贈廣府大都督生釋之爲開府儀同三司太常卿寧朔郡王廣德中拒扞西戎身歿王事贈司空公大父諱瑊朔方副元帥河中節度檢校司空中書令咸寧王贈太師有大勲績其秩錄封賞埒汾陽西平皇家中興此三人力也

父諱鎬義武軍節度易定觀察使檢校工部尚書贈太子少保取隴西李氏女實生公公爲兒時則柔敬敦厚篤志於學九歲由宏文生擢孝廉第釋褐參同州軍事旣冠益以通敏密靜稱於人因從先少師於藩方不忍去庭闈諸侯有以幣以馬取者一無所就元和十二年先少師奉詔以中山兵伐叛而卒與寇遇以數千當數萬力戰而歸坐黜循州公憂蹙內結晨夜在側從容道否泰之理以解發於至誠少師爲之洒然少師薨屏勺飲壞容貌幾不全者數矣嚴護踰大江長號動神明親友見者莫不悽惻憂其

困絕往往罷弔旣而外除大戚不衰遂退不肯仕居處飲
食若執喪者是時朝廷詢勲臣後或言曰咸寧功累代不
可及其子身當聖朝以謹終未復無以示天下執政立言
之天子感其事趣詔盡還少師爵土由是勲閥之家皆喜
長慶中又有言公之材行不宜在閭巷者上亦以追顯咸
寧功德未足遂授公右龍武軍倉曹參軍厯太常寺主簿
太府寺丞由是以吏事自喜明習文法咸寧王股肱王室
卑體下士召置幕府得一時之人少師仕官早成不廢法
度有譽於士大夫間公又脩潔謙遜辭禮閑雅由是仁人

與之遊長者訪其廬矣稱述日甚聞於廷中擢爲左贊善
大夫轉太子僕能勤其官改太府少卿始用利器貨泉事
聚不頓鋒鋟益爲試可一日昭獻皇帝讀國史至咸寧王
卒嘆渾氏時無大官者欲用公未有緣卽日以銀魚朱袍
賜之俄拜金吾衛將軍寵以金紫公愈益小心俯僂不暇
武宗時至太僕卿以謹良選宣宗卽位改少府監以繕理
稱又拜左金吾衛大將軍肅環衛明年遷司農卿練經制
每以處逸樂悖勤勞非忠也求出補吏不憚劇郡久之壽
陽歲數饑有盜賊上選能理者丞相舉公可用公至則猛

糾緩化曉告慰養先是有貨茶盜鬪變難制至是皆解散走匿又勺陂之水溉田數百頃爲力勢者幸其肥美決去其流以耕公隄防約束水復盛溢沃野之利歲歲增多徵爲殿中監服用如法頃之爲昭王傅多稱惜之再爲少府監遷檢校工部尚書金吾大將軍日在彤庭宣宗器其能遂賜高牙暢轂鎮於回中公門有將帥風習知四夷事以故綏邊之績不日而成西戎別種王蒙數爲邊害公曰胡夷剽刦亦常事不煩兵鑒可以信取諭以咫尺之書果相率遁去居無何又遣其舍人董英粲歸誠且貪錦繡物公

必其善意乃許互市竟不敢負約反覆初有戍卒子爲族
長所掠奴畜之至是董英粲輒構而歸之曰用報德關城
無警早開晏閑矣邊兵之衣輦自京師吏緣爲奸續帛悉
濫公始周察變法犯必收按至乎聚給親往觀之舊調軍
食倉廩庾回遠不克往取率爲空名又度其途以便之自
是寒無皸瘃戍益伉健旣衣又食之撫士至矣萃戰馬凡
五百二十疋牛騾稱是脩革器五萬具備丁壯卒三千人
聚新粟五萬斛邊備完富戎心震悚天子使使者齎詔卽
軍中加公檢校刑部尚書以報之居歲餘復召爲大金吾

升三品階三領緹騎日益親貴今天子卽位謀滄海帥視公曰無以易爾咸通二年遂授義昌軍節度使其理如在涇始至則表蠲水旱逋甚衆先是井爲海染人不可飲遂開河以汲舟行則決決又輒塞公視而計之派鑿局蓄舟來不留縋垂不息厥功亟就於今賴之有田千頃遊惰者不顧公乃勸闢悉爲膏腴旣飲之又食之養人至矣窮民有鬻子者爲之贖歸故校有孤女者時其配偶喪不辦葬骨暴於野皆爲調棺柩具粟帛郵亭相遠道里患苦作室其間以庇來往歲比不稔給軍未贍峙糧十六萬石以爲

儲蓄大抵能推誠於下辛苦率先民愁未解公費未足孜
孜爲之雖人之求去已疾謀致家溫不如也以故感神貺
來瑞驚百姓洎文武吏謳誦借留護戎者奏其狀天子嘉
焉詔曰幸卒教化之許留旬歲五年秋受代朝廷方圖其
功會其冬以疾聞明年三月二日薨於大寧里私第享年
六十九其年十二月某日葬於京兆府萬年縣洪固鄉胄
貴里於戲豹韜以義兵顯寧朔以邊患死咸寧以殊勲著
少師以威名用洎公以材能選陳力無曠廢渾氏之風類
是自穆宗後天下少事由是公未嘗有鬪戰功始則以至

行好學恂恂若儒者中則以精力辨疑爲循吏終則以和衆靜邊名之良帥不矜輿馬之飾不嗜粱肉之味家產稍贍則以振昆弟賓客士有賢者雖貧賤必與之均敵名以脩飭光位以功效進自解褐數十年歷九卿爲二千石繼父位臨方面榮當代焉保身守道一無塗汙於戲渾氏陰德代封之慶則大於于公虞訓戰勲忘家之跡則優於平陽去病子孫支屬之榮則高於萬石耿氏然若公之材未大施設不繼乎台鼎不邇於期頤斯慊慊於五福也薨之日天子軫悼不朝贈大司馬葬之日給太常儀伏博士定

謚曰康斯可以自見於後代矣長子曰術詹事府司直早終次子徵特擢普卓皆幼父病篤召從父弟右威衛上將軍佶泣告曰先少師以後事託吾季父爾必繼之佶涕泗遵用禮儀備具他日持故吏行狀託余斯文是以敘而銘之曰

命氏自姜有後于唐咸寧達人實護玉璜功德愈甚其緒乃昌少師宜之龍節煌煌尚書有繼卓然壯歲執喪之日厥生幾逝渾氏有子天子下制擢爲大官如翼高戾帝前謹恭俾牧於東盜走年豐後爲元戎簪煙息波兩有顯庸

金史卷之三
一
厥庸惟富施之無窮宜久饗樂神報何薄厥德有本頌之
靡涸實銘於斯不銷不落

李景儉

景儉憲宗朝官侍御史大中時累遷御史大夫

諫宣宗爲鄭光輟朝疏

鄭光是陛下親舅外族之愛誠軫聖心況皇太后哀切之
時理合加等而賜之粟帛隆其第宅自家刑國允謂合宜
今以輟朝之數比於親王公主則前例所無縱有亦不可
施用何者先王制禮所以防微大凡人情於外族則深於

宗廟則薄所以先王制禮割愛厚親士庶猶然况當萬乘
親王公主宗屬也舅氏外族也今朝廷公卿以至庶人據
開元禮外祖父母及親舅喪服小功五月若親伯叔親兄
弟卽服齊縗周年所以疎其外而密於內也有天下者尤
不可使外戚强盛故西漢有呂氏之侈幾滅劉氏國朝有
則天之篡殆革唐命豈非一朝一夕其所由來漸也今鄭
光輟朝日數與親王公主同設使陛下速改詔命輟朝一
日或兩日示其升降有差恩禮無僭使四方見陛下欽明
之德青史傳陛下制度之文垂之百王播之芳烈臣愚不

肖謬竊恩私實願陛下處於堯舜之上義軒之列所以甘心鼎鑊伏進危言

王函

函大中時人

大佛頂尊勝幢銘

琅邪王讜字達夫探至聖之元言得秘密之妙理以大佛頂及尊勝爲衆福之王懇立二幢祈報所怙攀號不及創鉅痛深衰麻在躬茹荼吞蓼若不憑其教跡何以洩此哀懷徵其志誠起自純孝旣而候聽戒遣式遵理命令將在

中布而爲金木水火分而爲南北西東使百王之傳授若
四氣之始終皆德非博厚故號不統同國家保大定功體
元立正法土德受天命陵無一抔之盜貢有五色之盛合
爲應鼓擊六氣以還淳累作春臺熙萬人之遂性予盍鳩
合異類率賓殊方歸有極贊無疆帝乃約束遠近神乃糾
合要荒咸鞠躬離位厥角來王自是盡四夷之君長皆朝
我唐

金賦

以至寶堅剛無
所爭也爲韻

山育良金世名重寶當用事於素節實稟靈於元造由是

司歲之士敘秋之道其神曰蓐收其帝曰少昊相與搜琬
異發鏗鏘取我於麗水淬我以輕霜用爾之寒可以革滌
暑之候用爾之勁可以摧烈火之剛遂重其珍遂宣其利
披沙之狀咸出從革之形悉至含宇宙則範之以景名壓
寰區則鑄之以神器其難得也黍累不棄分銖是爭約人
以懸市遺子以滿籬國用築臺之禮賦揚擲地之聲或三
緘而永保或一諾而必行斷以同心斯爲盡善鑠以衆口
喻彼相傾是以王者之時令修彝倫序泥封是用職貢有
所垂衣守滿堂之誠命相興作礪之語則金爲世出雨示

天與乃懷貪以恣攫重諾而不捐鑽山砮石斷撲攻堅大
有鎔範小有雕鑄玩物旣奢其器用窮兵又縱於戈鋌則
地將愛矣君胡得焉又尅木之意深輔火之功寡傷水之
閱世疾土之處下以勁挺司一方以滅裂視四者曰吾常
卓爾子不知也况有百鍊之秀三品之殊藏之則潤屋可
恃鍛之則切玉如無子豈能馳善價入巨冶隨我躍於洪
鑪

賀劉相鄴勅賜及第啟

用勅代榜由官入名仰溫樹之煙何人折桂泝甘泉之水

獨我登龍禁門而便是龍門聖主而永爲座主三十浮名
每年皆有九重知己曠代所無

秦貫

貫試太常寺奉禮郎攝衛州司法參軍

滎陽鄭府君夫人博陵崔氏合祔墓誌銘

并序

鄭之先自周皇封舅之地因而氏焉別派五流深源一至
是以滎陽之望得爲首冠其下公侯接武台衡繼迹雕軒
繡軸之滎羽蓋朱輜之盛由魯史記迄於唐春秋實鄭氏
爲衣冠之泉藪也高祖世斌皇左司郎中磁隰二州刺史

新鄭縣開國男食邑三百戶曾祖元嘉皇新都長水縣令

襲封新鄭縣開國男祖有常皇吏部常選襲爵新鄭縣開

國男烈考探賢皇衛州昌樂朝城莘縣令府君諱遇一作恒

字行甫皇試太常寺協律郎文業著於當時禮義飾於儒

行少有倜儻之志長負瓌奇之名不苟譽以求容每親仁

以竭愛爲中外模範爲一作成友朋宗師樂善孜孜不愠知

鮮量涵一作苞江瀆氣合風雲今之古人人雖上士一作出神

不優德配壽胡羞疑先夫人之亡蓋卅一霜也享年六十

夫人博陵崔氏令門清族慶餘承善四德兼備六親雍和

仁讓得於天真慈惠立於素尚母儀內則動靜可師禮行詩風進止成法雖婕妤女史大家經教承之於諷習推之於行源者亦異代殊人其歸一也一作旨未亡之歎孀齡杳

然玉沒何先蘭凋遽

一作繼

至以大中九年正月十七日病

終於淇澳之私第享年七十有六以大中十二年二月廿七日合祔於先塋之側其鄉里原隰之號載於舊記此闕而不書女一人適范陽盧損之嗣子六人長曰頊攝汲縣丞知縣事早亡次曰珮早亡次曰瑾次曰玘次曰璿次曰琬咸繼遺芳克修至行銜哀茹毒追攀罔極將營護窆泣

告於業文者爲之銘云

仕門雙美兮今德咸芳
甲族齊盛兮英華克彰
允文武兮書劒名揚
蘊儀度兮閨門譽長
珠沈玉沒兮人誰靡傷
桂殞蘭凋兮共泣摧香
垂修名兮允謂不亡
傳盛事兮多載彌光
聽悲風兮松韻連崗
刻貞石兮永志元堂

盧攜

攜字子升郡守求子大中九年登第授集賢校理咸通中累拜諫議大夫乾符中以戶部侍郎進同中書門下平章事加門下侍郎兼兵部尚書罷爲太子賓客分司東都舉

金史卷之二十三
高駢可爲統帥復召輔政及黃巢陷潼關乃罷爲太子賓客是夜仰藥死

乞蠲租賑給疏

陛下初臨大寶宜深念黎元國家之有百姓如草木之有根柢若秋冬培溉則春夏滋榮臣竊見關東去年旱災自號至海麥纔半收秋稼幾無冬菜至少貧者磴蓬實爲麴蓄槐葉爲蘄或更衰羸亦難收拾常年不稔則散之鄉境今所在皆饑無所依投坐守鄉閭待盡溝壑其蠲免餘稅實無可徵而州縣以有上供及三司錢督趣甚急動加捶

捷雖撤屋伐木雇妻鬻子止可供所由酒食之費未得至
於府庫也或租稅之外更有他徭朝廷儻不撫存百姓實
無生計乞勅州縣應所欠錢稅並一切停徵以俟蠶麥仍
發所在義倉亟加賑給至春深之後有菜葉木牙繼以桑
椹漸有可食在今數月之間尤爲窘急行之不可稽緩

臨池訣

第一用紙筆第二用認勢第三裹束第四真如立行如行
第五草如走第六上稀第七中勻第八下密用筆之法拓
大指擡中指斂第二指拒名指令掌心虛如握卵此大要

也凡用筆以大指節外置筆令轉動自在勿令大緊名指
拒中指小指拒名指此細要也皆不過雙苞自然虛掌實
指永字論云以大指拓頭指鉤中指拒此言單苞者然必
順氣脈均勻拳心須虛虛則轉側圓順腕須挺起粘紙則
輕重失準把筆淺深在去紙遠近遠則浮泛虛薄近則搥
鋒體重用水墨之法水散而墨在迹浮而稜歛有若自然
紙剛則用軟筆策掠按拂制在一鋒紙柔則用硬筆衮努
鉤磔順成五指純剛如以錐畫石純柔如以泥洗沙旣不
圓暢神格亡矣書石及壁同紙剛例蓋相得也

盧潘

潘文宗朝官戶部員外郎大中時出爲新安太守徙廬州刺史

廬江四辨

凡作事必法古名地者必求於古地而不古失其地矣秦一天下破國爲郡名地者唯求於禹貢與山海經故始皇二十六年以揚州之地爲九江鄣郡會稽九江會稽出禹貢鄣出山海經按海內南經云三天子鄣山在閩西注云在歙縣東浙江出焉海內東海云廬江出三天子都入江

彭澤西注云卽彭蠡今彭澤縣西是也經又曰一名天子
鄣江南之鄣由此名也廬江在彭蠡西涯因廬江以立名
項羽封英布爲九江王盡有揚州之地漢高改九江爲淮
南卽封布爲淮南王十一年布誅立皇子長爲淮南王孝
文八年長死徙封長子安爲淮南王賜爲廬江王勃爲衡
山王應劭曰廬江故廬子國也考尋載籍古無廬國之名
是劭以廬江爲廬戎之地也按左氏傳廬戎亦曰廬在宣
城西山中劭誤以中廬之廬爲廬江之廬後人因迷而不
悟按漢書諸侯王年表北界淮潁畧廬衡爲淮南顏注云

廬衡二山名也衡卽今霍山按東漢地理志建武十年省六安國以縣屬廬江郡郡十四城有舒潯陽襄安郡南有九江東合爲大江大江之南與彭澤相接旣得潯陽潯陽有廬山廬山因廬江而名古矣廬江之地包江南北而有之周景武廬山記云匡俗周威王時生而神靈居於此山上世稱廬君則是俗因山爲號不因俗爲廬而名山爲西域法者曰惠遠作廬山記不知所始乃曰匡俗出殷周之際結廬山上因名曰廬其謬甚矣按豫章舊志俗父與番陽令吳芮佐漢定天下而亡漢封俗於潯陽武帝南巡封

俗爲明公是山不因俗而名愈明矣余故曰事必法古名地者必求於古廬江自山海經所謂出三天子都者是也今山在彭蠡之上亡其所謂廬江者事移事古名與地改故也又按經云浙江出三天子都在其東地理志云浙江出黟縣南率山東入海率則歛今浙江是也今率山在歛州南連延而西曰浙嶺浙水實出其陰又西走彭澤凡三百里并水出山陽者皆西流匯於彭蠡廬江遠乎哉是必一水也又按今潯陽在江州大江之南古潯陽在大江之北名地爲國者豈限江之南北哉求於古而已矣廬江之

國自山海經而名者爲是

右廬江辨

同食館不知名於何時或謂自廬以往振廩同食因以爲
名按左氏桓十三年傳楚屈瑕伐羅羅與廬戎兩軍之杜
注云廬戎南蠻也音義云廬本或作廬也文十六年經楚
人秦人巴人滅庸注云庸今上庸也今房州上庸卽其地傳曰楚人
出師自廬以往振廩同食注云今襄陽中廬縣也振發倉
廩也同食上下無異饌也次於勾澁楚境也使廬戢黎侵
庸戢黎廬大夫也又按漢書地理志當陽之中廬在襄陽

縣南今猶有次廬村顏注云隋室諱忠故改爲次又按楚莊王時都郢卽今之江陵由郢而伐西北密邇之庸安有發東北數千里之廩上下同食哉此非廬江之廬明矣噫夫命名者不詳國地之本末俾後世地因名而生惑余今以廬江所治故六地也六與蓼皆滅於楚臧孫辰嘆曰臯陶庭堅不祀忽諸德之不建民之無援哀哉足以爲後代鑒因更是館名曰建德

右同食館辨

漢書淮南王殺開章葬之肥陵肥陵肥水之上也在壽春

應劭云夏水出父城東南至此與肥合故曰合肥今按肥水出鷄鳴山北流二十里許分而爲二其一東南流經合肥縣南又東南入巢湖其一西北流二百里出壽春西投去於淮二水皆曰肥余按爾雅歸異出同曰肥言所出同而所歸異也是山也高不過百尋所出唯一水分流而已其源實同而所流實異也故皆曰肥今二州圖記皆不見夏水與父城惡睹所謂夏與肥合者乎合於一源分而爲肥合亦同也故曰合肥而云夏與肥合者亦應氏之失也

右合肥辨

按圖記今冶父山在廬江東北卽左氏所謂莫敖縊於荒谷羣帥囚於冶父茲山是也余按杜注及地理志荊州記皆云冶父城在荊州荒谷西北小城卽冶父城莫敖縊於荒谷羣帥囚於冶父是也廬非廬戎之地同食異振廩之所安得復有冶父哉後人妄加之明矣矧囚於城豈囚於山乎余按今冶父山實有鐵冶乃作此告縣更名曰冶山不疑

右冶父山辨

萬敬儒孝行狀碑

當州合肥縣揚名鄉桃子村百姓萬敬儒自大中九年荒
儉其年四月父母併亡至五月五日送葬後廬墓不歸今
已五年先截下兩手指并甲各長半寸已來今見刺指血
寫恩重經三百六十卷者差衙前子將胡師玕將茶藥就
廬所弔問并勘驗得胡師玕狀謹具如後據州申勘孝子
萬敬儒年二十七叔祖瑛見在廬去宅一里餘每日一食
齋王時時禮念從大中九年五年葬父母後跣足披髮至
今於兩手十指更互刺血寫恩重經三百六十卷先於大
中九年五月及十一年五月兩度截下兩手指并甲各半

寸已來今再生長復舊訖勘縣先有申報處問得經二百七十卷已抄寫訖內三卷州司今送到便是金剛經九十卷見刺血抄寫次州司又勘得萬敬儒叔祖瑛及繼曾祖母年八十見在兼有親兄弟五人親叔祖等並同居其萬敬儒在墳所嘗有一狗在側要水火等物卽書帖子繫狗項下令歸家其家人解看隨所須供至今見在右淮南觀察使檢校司空同中書門下平章事兼揚州大都督府兵部侍郎平章事蔣伸工部尚書平章事夏侯孜中書侍郎兼禮部尚書平章事蕭鄴右僕射兼門下侍郎平章事陶

檢校司空平章事崔闕使檢校司徒平章事白闕使檢校

司空兼太傅平章事使疑闕大中十三年十月十五日朝

議郎使持節廬州諸軍守廬州刺史柱國賜紫金魚袋盧
潘立

王孟諸

孟諸大中時人

唐故軍器使內寺伯賜紫金魚袋贈內常侍袁公

夫人太原郡夫人王氏墓誌銘

并序

夫舉族稱官蓋製作之常意况王氏承帝王之後派分貴

仕代亦衆矣斯皆增輝圖牒稱望天下若乃復序述祖宗
之盛德謂悠悠繁詞故畧而不書也夫人襄陽人也性稟
專貞早貪詩禮閑柔淑慎叶窈窕之風規纂組女工得家
人之深旨軍器常侍先娶潁川祿氏數奇不耦夫人祿氏
早亡軍器常侍時護漢南鼓盆歌罷曰菜祀之職禮不可
虧潔以蘋蘩必資中饋由是思鵲巢之共理詠鷄鳴以求
賢慕王氏奕世之宗以夫人繼室夫人承訓結褵移天配
德克崇婦道懿績可嘉閨門之美實光彤管軍器常侍自
漢南更命荆門歲滿入覲復領軍器使柰何天不福善偕

老願乖軍器常侍尋卧疾薨於私第夫人居喪晝哭髡髮
誓志動循法則不尚繁華言必洽於族姻喜怒不形於色
棲心象外宏譽宜家其仁賢體度蓋爲外戚之表儀矣將
及魚軒荷寵昭示懿圖麟角功高隙駒難駐嗚呼徽音潛
翳閱水興悲賦命有涯奄隨川逝以大中十四年春正月
十二日終於長安縣修德里享年卅有五以其年四月五
日窆於萬年縣灞陵之原鄰軍器常侍之塋禮也嗣子五
人或腰金備寵近侍丹墀或朱紱青袍皆宣翊贊德門之
盛世莫能儔而復泣銜哀俾述遺範言必實錄託而用文

誌而銘曰

青門道兮國之旁素漣北兮龍之鄉紛旗旒兮引靈襄泉
路永兮歌白楊生何促兮死何長音容寂兮雲泱泱唯有
松楸樹悲風起夕陽

沈瑊

瑊吳興人

大唐蘇州華亭縣顧亭林市新剏法雲禪寺記

院在市西北隅其地阜勢極秀有二大長者朝議郎前試
左金吾衛長史上柱國吾仁約及兄瑛弟緒并諸子姪處

士楊仲欽及男敬琮仁敬敬璿發心相謂曰此市信人極
衆僧徒頗多可以買此地爲瞻禮之所尋請堅修上士二
僧詣於京洛請其院名不旬月而返果遂其志廣募信心
便築基址買他山之棟材召彼郡之良工不逾二載大中
十三年春建至十四年冬成月殿巍峩屹如涌出門廊盍
匝可謂化城工費之間不足者悉二家之自備豈止於一
二乃各數百緡焉非我二家之志虔造次而不可及也續
奉祠部牒改院名爲寺訖奉命紀其年月以俟未來